

始

興

記

王韶之撰

中華書局

始興記

此據嶺南遺書本
排印初編各叢書
僅有此本

始興記

宋 臨沂王詔之休泰撰
清 南海曾 劉冕士輯

含涯有三城。曰沙城、馬鞍城、白鹿城。城南有白鹿岡。初學記二十四

按含涯當作含涯。錦繡萬花谷後集引亦作含涯。御覽五十三引作含注。一百九十二又引作含逕。皆

含涯之譌文。或謂涯水亦曰灌水。見水經注三十九。灌與涯注形近。然宋因太祖諱改作含光。見九城志。則涯水或

可稱灌水。而含涯必作涯無疑矣。

縣有白鹿城。城南有白鹿岡。咸康中郡民張魴爲縣有善政。白鹿來游。故城及岡並卽名焉。水經注三十九

按咸康藝文類聚引作咸和。初學記二十四御覽一百九十二引均作咸康。考咸和咸康皆晉顯宗年

號。今從衆。

秦鑿楊山桂陽山閣下鼓。便自奔逸。息於臨武。遂之始興洛陽。遂名聖鼓。今臨武有聖鼓城。初學記十六

按御覽五百八十二引作遂入洛陽。因名聖鼓城。與此稍異。

郡西南有芙蓉岡。高若玉山。鄰枕郊郭。可四十餘里。藝文類聚六

按可四十餘里。御覽五十三作周迴連亘四十餘里。

含涯縣有堯山。堯巡狩至於此。立行臺也。初學記二十四

堯山下有平陵。陵上有基。云是堯故亭。父老相傳堯南巡狩時登此。太平寰宇記一百五十七。

任將軍城。秦南海尉任囂城也。御覽一百九十二。

中宿縣有觀峽。橫巒交枕。絕崖岸。粵御覽五十三。

勞口東岸有石。四方高百餘仞。其狀如臺。注云。父老相傳。此石昔有三人伐木以作橋。於石頂覲見數甕錢。共取半甕還。初學記二十七。

按錦繡萬花谷後集卷六。引作百餘步。然御覽八百三十六。引亦作仞字。或錦繡萬花谷誤耳。御覽五十三。引作營口。蓋勞之誤。營水西北入湘。非此。據御覽引勞口北有逃石之文。則勞口當在韶石上下也。

勞口北有逃石。一名靈石。晉永和中。有二飛仙。衣冠。自來憩此石。旬日乃去之。御覽五十五。

縣下流有石室。內有懸石。扣之聲若磬。響十餘里。御覽五百七十六。

林水源裏有石室。室前磐石上。行羅十瓮。中悉是餅銀。采伐遇之。不得取。取必迷悶。晉太元初。民封驅之家奴。密竊三餅歸。發看。有大蛇蟄之而死。水經注三十八。其夜驅夢神語曰。君奴不良。已受顯戮。願以銀相備。驅

覺。奴死。銀在其旁。有徐道者。自謂能致。乃集祭酒盛。奏章書。擊鼓吹入山。須臾。雷震雨石。倒樹折木。道遂懼走。御覽八百十二。

按御覽七百五十八。引林水源。作林源山。八百十二。引封驅。作林驅。初學記。引餅銀作銀餅。皆誤。

洶水源有堯山長嶺衡亘遠望如陣雲山下有平陵陵上有古大堂基十餘處雖已夷漫而猶可識謂曰堯故亭父老相傳堯南巡登此山故亭卽其行宮御覽一百九十四

據御覽八引云堯山長嶺望之如雲與此文字略異洶水水經注作陶水

郡都有玉山草木滋茂泉石澄潤藝文類聚七

冷君西北有小首山元嘉元年夏霖雨山崩自顛及麓崩處有光耀有若星辰焉居人聚觀皆是銀礫鑄得銀也御覽八十二

據初學記引無冷君西北四字有若辰焉脫星字不及此之詳故置彼取此冷據水經注三十八當作冷冷君山名

梁鮮二水口下流有瀆陽峽長二十餘里山顛紆鬱叢流曲勃藝文類聚卷六中宿縣有貞女峽峽西岸水際有石如人形狀似女子是曰貞女父老相傳秦世有女數人取螺於此遇風雨晝昏而一女化爲此石藝文類聚

卷六今石人形高七尺狀此女人太平廣記三十九十八

修仁水西南注連水北有三楓亭五渡水御覽六十五

連水下流有斟谿一日十溢十竭御覽六十七

按隋志陽山有斟水卽此斟谿也連水據水經注當作漣水

靈水源有溫泉涌溜如沸時有細赤魚莫有獲者初學記七

雲水源泉涌溜如沸湯有細赤魚出游莫有獲之者

李善文選注二十八

據此與初學記文同但雲水初學記作靈水爲異耳然文選注據宋刊六家本元延祐單行李善本皆如此則雲水亦似非誤文故兩存之

雲水源有湯泉下流多蛟害厲濟者遇之必笑而沒

藝文類聚卷五十六

按御覽百三十引作雲水源自湯泉自字蓋有之誤

廬水合武水甚險名曰新隴有太守周昕廟卽始開此隴者行者放雞散米以祈福而忌著溼衣入廟

六十五

隴字富爲隴字之譌

靈巖山臺殿宏麗畫象巧妙嶺南佛寺以此爲最

太平寰宇記卷一百五十七

晉中朝有質子將歸忽有人寄其書告曰吾家在觀亭廟石間有懸藤君扣藤家人必自出歸者如言果有二人出水取書并曰江伯令君前入水見屋舍甚麗今俗咸言觀亭有江伯神也

御覽九百九十五

舍進公口下流有枯木曰聖鼓上下人以篙犯之者皆瘡

御覽七百七十一

按進當爲涯之譌公當翁之譌水經注涯水東南左合翁水是也聖鼓下當有杖字

黃溪出科藤

御覽九百九十五

漢將滅越越王築城伐木將運之一夜木數千件頓亡越亡之徵

御覽九百五十三

謹按王韶之始興記。隋唐宋史志及諸家書目皆不著錄。隋志載王韶之集十九卷。唐志二十卷。或記在其中。如吳萊集南海古蹟記之比。王韶之宋書有傳。終吳興太守。水經漆水注文選李善注引並稱王歆之水經。滙水注又稱王歆考宋書王歆之列循吏傳不稱其著述。御覽經史圖書綱目王歆之南康記王韶之始興記分載甚明。則歆當爲韶之譌文無疑。始興郡吳立屬廣州。晉成帝度荊州宋元嘉二十九年又度廣州三十年度湘州。明帝太豫元年改廣興。韶之卒於元嘉十二年。其時尚屬荊州。領曲江桂陽山。湓陽含滙。始興中宿七縣。元嘉初徐豁爲始興太守有政聲。韶之未嘗至始興。或卽從徐豁討間故事。筆爲此記歟。酈道元水經注雖止引二條。然其餘尙多暗用。則此記爲當時所重可知。第書佚已久。今刺取羣書所引七縣山川故事略備。惟原書卷數體例無從考索。聊以類相從。尙有闕遺以俟後哲。道光元年四月曾釗識於粵秀書院東齋。

右始興記一卷。宋臨沂王韶之休泰撰。國朝南海曾釗勉士輯。案是書義例。勉士廣文跋語。亦已詳。太平御覽經史圖書綱目。明載王韶之始興記。則水經註。李善文選註。或作王歆之。或作王歆者。誤也。宋書本傳。稱韶之私撰晉安帝陽秋。時人謂宜居史職。卽除著作佐郎。使續後事。訖義熙九年。善敘事。辭論可觀。爲後代佳史。恭帝卽位。領著作郎。凡諸韶奏。皆其詞也。西省職解。復掌宋書。又稱爲晉史。序王珣貨殖。王獻作亂。又稱七廟歌詞。韶之制也。文集行於世。則韶之固著作才。宜其未嘗至始興。而撰爲此記歟。始興郡名。宋泰豫元年。更名廣興。韶之以景平之年。出爲吳興太守。十年。徵爲祠部尙書。十二年。又出爲吳興太守。其年卒。蓋在郡未更名之前。殆二十餘載也。以六朝人舊帙。不可多得。與交州記。暨楊議郎著撰。均勉士廣文所輯。以類相從。并讎校而付梓焉。庚戌春盡日。南海伍崇曜謹跋。